

Chindoto na Amaroro

Chumatano, 3.5.2017

(Bokarikwa Aramisi, 8.6.2017)

Obochenu ase Omotongi O Kare na Kare!

CHINDOTO NA AMARORO

na

Jeanine SAUTRON

EKANISA YA FILADELFIA,

“ENTIGARI”,

abwo barendete AMACHIKO

a NYASAE amo NESABATO YE

RITUKO RIA GATANO NA KABERE

CHUMAMOSI NOKWEGENA kwa YESO.

OKWEGENA kwa YESO:

OMOIKA

BW’OBOBANI.

(1) **OMOIKA O SARIN:**

OBOBANI BOOROKIRIE NA YESO,

OMWANA O NYASAE,

ASE EGETURERI KIA GATANO NA RIMO.

NIGO BORE OBOBANI BW’OKOIROKIA

MONO!

ONDE TARI ORAMINCHORIE!

Chindoto na Amaroro

Egesieri 533, Oborori Namba 1

OBORORI

(2) YESO, omwana o Nyasae, akaorokia ase *Chindoto na Amaroro*: “Omoika o SARIN noite ensemu ya gatato ya abamenyi b’ense, nakwo ogoteba, abamenyi chibiloni ibere.”

(3) “Nigo bore obobe bw’ogokumia!

Nigo kere ekeranya gekorenta emechando emenene mono:

Onde tari oraminchorie!”

(4) “Baria babwate RFID, ya 666, mbatwekamo,” YESO agantebia. “Nigo bare abana ba nyachieni. Ise obo nsaitani.”

(5) YESO akaorokia: Amakara agwoka agocha korwa igoro nigo agendererete gosaria ense, riroba,

okoba gw’ense, nebinde, nebinde. Nyasae ogechigwe nabamenyi b’ense.

(6) YESO akaorokia: Egetureri kia gatano na rimo nigo kere ekebe mono. Obobani obo nchera bore gocha; ensemu eyemo ya gatato y’abamenyi b’ense mbatwekamo ase obobe obo. Nigo kore ogoakwa okobe mono! Ensemu ya gatato ya abasacha, abakungu na abana, boigo ching’iti chi’ense tichikwebwa, nchikwe.

(7) YESO akaorokia: Ekero ekemanyererio kia gatano na kabere giasansoretwe, egetureri kia gatano na rimo gekabuga igoro, gekoraria ogosarigwa okonene mono gw’ensemu ya gatato ya abamenyi b’ense:

Onde tari oraminchorie!

Nigo erabe bwango

na ekero etakageiri

na abamenyi b’ense.

(8) **Beariganirie!**

Beariganirie!

Kera egento ng’ang’e kere ase **ogosarigwa oko okonene mono** okwo abamenyi b’ense batamanyeti.

(9) “Esosobe eye ng’ang’e ere; esosobe eye,” YESO agateba, “nigo ekorwa ase eanga ya igoro goetera ase endege etabwati omogendia ekoragwa korwa inse aiga ebogoretie emebira ye echuma emenge mono eichire nomoika o SARIN.”

(10) **“Omobisa o kristo bweariganirie ase emeremo yaye y’amakweri, y’ogosiria enamba enene mono. Okogoswa oko ngokorwe,”** YESO agateba, “na saitani ore omonto, omobisa o kristo.”

(11) Omoika o SARIN nigo ogosaria buna enyukilia: YESO akaorokia. Ense neetere obororo obwo onde atanyare gokonya.

(12) **Beariganirie ase emeremo**

yabo y'amakweri.

- (13) **Eyio nemeremo y'omobisa o kristo:**
Chikansa chia kera engencho na
chinyamo ao ao.

Chindoto na Amaroro
Egesieri 533, Oborori Namba 2

OBORORI

- (1) Ang'e mono nekerogo ki'obonene kia Yeso agantebia: "**Korwa ekeru emeuri etano na ebere (7) yasansoretwe igoro, kera egento kiabeire ang'e ase engencho y'omoerio bw'ense:**

Rigesa riarabire."

- (2) YESO tanyorogetie ense eyio erachakie ogoakwa oko, gose nkorwa nse ki ekerwanero eke kegosaria bobo mono kerarwe. Nigo kerache korwa ase eanga, korwa ase endege etabwati omogendia eyio ebwate okobua okonene mono, ebogoretie omosigo bw'emebira eichire omoika o SARIN.

- (3) Agantebia imotegerere buya mono, ntegerere okomaanorwa kw'egetureri kia gatano na rimo (6) buya mono.

OBORORI

- (4) Nigo andigereretie atari nomogoko, asonchete nobwoba, naende agantebia, na akang'orokeria naende:

"Nigo ore **omoika o SARIN.**"

- (5) "Ebirwanero ebibe mono tibikobao, gose abarwani esegi bare nebirwanero, gose enyukilia: Nigo ore omoika otengereirie, omobe mono, otari gotioka, oyio oresiarere ase embeo, oite kera egento kere moyo ase ogoeta. Emebira eye nigo eresiarere igoro ase ense.

Onde tari oraminchorie!"

- (6) **Boraya boigo nesarigwe bobo mono nogoakwa oko."**

- (7) Nigo kere ekerwanero kerarente ogosaria okonene mono, kere nokobua okonene kobua enyukilia, ekio keraite abanto bare moyo chibiloni ibere igoro ase ense."

- (8) "Emebira eye ye echuma, eichire nomoika o SARIN nosarie ense engima, na mbwesiarere ase chinse chionsi.

OBORORI

- (9) YESO agatenena korwa ase ekerogo kiaye ki'obonene na agantebia, "**Ekio giachire!** Obobani obo nchera bore gocha:

Onde tari orabotange!

- Nigo ere emeremo y'omobisa o kristo oyio oragambe igoro ase ense."

- (10) **Beariganirie!**

Kera egento ntayare kere!

Amaene goika eke gekoreke."

- (11) "Abasacha aba, abakungu na abana chibiloni ibere tibamanyeti ng'a nigo bare ase engaki echereririe korwa ase amakweri amabe mono. Amaene goika eke gekoreke nonya ntomanyeti ndiriri kerakorekane. Endege eye etabwati omogendia ekorokwa e drone ngochia ere kobusura amakweri."

- "**Kera egento ntayare kere;**" YESO agantebia, "**onde tari oraminchorie!"**

Chindoto na Amaroro

Egesieri 533, Oborori Namba 3

OBORORI

- (1) YESO akaorokia: "**Boraya tegokonyeka. Kera egento ime ya Boraya nkebe esumo. Abasongo mbachandeki korwa ase chinyamo chia kera engencho na chikansa ao ao. Ekegori eke kia abanto-b'emiaka-45 tikegoeta, goika ebinto ebi bionsi biaikeranire."**

- (2) Ababisa ba kristo ime ya Boraya boigo mbaetere keria egetureri kia gatano na rimo (6) kerarente. Tibakoba nokobua konde gwonsi bosio bwegekorwa eke kegosaria.

- (3) "Ense tekonyara kobisa obobe obo. Egiateko ki'ebitondo bia abanto mbichore goika erioba igoro," YESO agantebia. "**Bonsi baria babwate RFID ime ase emebere yabo mbakwe korwa ase ogoakwa oko."**

OBORORI

(4) **“Omobisa o kristo bwekoreranirie nendrone ere nokobua okonene mono erio aite abanto chibiloni ibere igoro ase ense.”**

(5) YESO akang’orokeria:

Eke iga nigo kere ang’e.

Onde tari oraminchorie!

Nigo kere ekerwanero **kerarente ogosaria okonene mono.**

(6) YESO, omwana o Nyasae, agantebia, “Ekerwanero eke tikeri enyukilia, korende nigo kere ne chinguru chinene buna enyukilia. Nigo kere ekerwanero ki’ogosaria okonene mono, kerabogorigwe nendege ebwate okobua okonene etabwati omogendia egocha korwa ase eanga ya igoro, kebwekaine ekerwanero ki’enyukilia.”

(7) “Endege eye etabwati oyokoyegendia nigo eichire nembira y’echuma ebwate omoika o SARIN ime ya kera oyomo obo, eyio eragwe igoro ase ense, ebwatoke omoika oyo ogoita na oite abasacha, abakungu na abana chilifu ne chikifu igoro ase ense.”

(8) “Aande onsi ase emebira eye eragwe, neite abanto chilifu ne chilifu igoro ase ense. **Aande onsi ase emebira eye eragwe** — ase ebitii, ase amanani, igoro ase emechie emenene, ase chinyancha ime ne chindooche — **amakweri nabeo.**”

Onde tari oraminchorie!”

(9) “Emebira eye ye echuma, egocha korwa ase eanga, ebogoirie nendege y’okobua okonene etari kogendigwa namonto onde bwensi, nesiarere omoika o SARIN igoro ase ense. Nigo erabe buna ekenyitita kie emebira ekong’wanigwa nemete,” YESO agantebia, “buna ekenyitita kia amagena `embura akogwa igoro ase ense. Ekeru eragwe inse, emebira eye y’echuma nigo erateke neriogi rinene mono ekeru yakunire ense, ebwatoke omoika oyo ore esumo, otari gotioka na bw’amakweri:

Onde tari oraminchorie!

(10) Yeso, omwana o Nyasae, akaorokia: “Ntayare ere.

Kera egento ntayare kere,

ase egetureri kia gatano na rimo, abwo ase abamenyi b’ense batamanyeti eki kegendererete, na eki kegendererete gokorwa ime ase omosunte.”

(11) YESO bweka, nere oroche kera egento na omanyete kera egento, nere okorenta kera egento ase oborabu. **Nigo erabe emeremo y’omobisa o kristo.**

(12) YESO agantebia, “Ense neyane, nimanyete kera egento kegendererete gokorekana, na *nimanyete* baria bagendererete kwearigania erio basarie ense.”

(13) YESO agantebia eke iga, “**Ngochande gosiria baria bagosaria ense. Nigo bagacheire omorero o chanamu.**”

Chindoto na Amaroro

Egesieri 533, Oborori Namba 4

OBORORI

(1) YESO akandangeria gocha ang’e nekerogo kiaye ki’obonene, na agaikaransa igoro na agantebia, “Ngoetera ase endege ebwate chinguru chinyinge mono etabwati oyokoyegendia, egocha korwa ase eanga ya igoro, buna omosinga bw’enyukilia, ekobwatoka ekenyitita ki’emebira ye echuma ebwate omoika o SARIN, nakio gekogera ensemu ya gatato ya abamenyi b’ense barakwe goetera ase ogoakwa oko. Abanto chibiloni ibere mbakwe korwa ase chinyamo ao ao, ne chikansa ao ao.”

(2) “Omoika oyo o SARIN noite abamenyi b’ense chibiloni ibere (2). **Obwo nabwo obobani bwe egetureri kia gatano na rimo.**”

(3) “Emebira ye echuma, ebwekaine emebira ekong’wanigwa nemete ekorokwa emebira ya tennis, negwe kera aase igoro ase ense; na kera aase eragwe,” YESO agantebia, “**igoro ase emechie emenene, ase ebitii, na amache igoro, abamenyi**

b'ense mbakwe korwa ase omoika oyo otari gotioka, omoika o SARIN bw'amakweri.”

(4) “Obo nobobani bwa Yohana ase Okomaanoka:

omorero, ekebiriti na erioki,
bikorwa ase emenwa ye chibarasi,” YESO
agateba.

“Kera egentu nkebe esumo.”

(5) YESO akaorokia: “Aande onsi ase emebira eye y'echuma (eichire SARIN, egocha korwa ase eanga igoro, ebogoirie ne edrone ye chinguru chinyinge, gose emesinga ekorokwa emissile), eragwe, **montu tari oraminchorie.”**

(6) “Ababisa ba kristo igoro ase ense mbaurwe okobua kwabo na obonene bwabo bw'okogamba. Saitani negarerie ense, korende tekoba ng'a oyio nomoerio,” YESO agantebia.

(7) “Emebira eye y'echuma, eichire na SARIN, nigo erateke kera aase igoro ase ense, ebwatoke obosongo obo botabwati rimisu rinde rionsi. Ebitondo ebinge mono,” YESO agantebia, “mbichore goika igoro!”

(8) Ababisa ba kristo mbasirie okobua kwabo goetera ase amaakwa aya abere: SARIN na ogoakwa gokorwa ase emenwa ye ching'iti ase egetureri kia gatano na rimo.

(9) Obo nobobani borache, boorokirie na YESO:
**“Endege ere nokobua okonene mono
ekorwa ase eanga,
ebogoretie amakweri.”**

(10) “Nigo erabe buna obororo bw'omokungu ore morito.”

(11) Aande onsi emebira eye ye echuma eichire na SARIN eragwe, nigo erasiarere amakweri igoro ase ense.

(12) YESO agantebia: “Emebira eye ye echuma, ebogoirie nendege eye etabwati omogendia, negwe kera aase: ime ase amanani na ase ebitii na igoro ase emechie emenene.”

(13) “Nigo korabe **ogosarigwa okonene mono,**” YESO agantebia, “ensemo ya gatato y'abanto mbakwe, nakwo ogoteba, abantu chibiloni ibere igoro ase ense.”

(14) YESO tang'orokeretie ngetii ki endege eye etabwati oyokoyegendia ekoruta ebinto gochia ase atambe mono erarwe. — Agantebia: **Nigo ere endege ere nokobua okonene mono. Emebira ye echuma, eichire nomoika o SARIN, eyio ere ime y'endege eye, negwe igoro ase ense yonsi.”**

(15) “Ensemo ya gatato ya abamenyi mbakwe, na ensemo ende ya kabere – igoro ya isato tegoonchoka korwa ase ebibe biabo; korende tekoba ng'a oyio nomoerio.”

(16) YESO agantebia: “Ababisa ba kristo mbasirie okobua kwabo igoro ase ense. Baria bakogambera ense mbasirie okobua kwabo. **Saitani ore omonto nere orabe nokobua igoro ase ense.”**

(17) “YESO noria ore ase obokoreri bwaye bakobera nere bakang'orokeria: “Egetureri kia gatano na rimo nigo kere ekebe mono, nigo kerabe egi'okoondokia! Ense engima nemanye obororo obwo onde atanyare koyekonya:

- Chikansa chia kera engencho
- Chinyamo chia kera engencho.”

(18) **Ayio naro egetureri kia gatano na rimo kerarente,** YESO aorogetie. Nigo kore **ogokwa okobe mono buna enyukilia.** Boraya tegokonyeka.

(19) Nyuma y'egetereri kia gatano na rimo (6), **omobisa o kristo neorokie ere omonyene ase ense engima.**

(20) **Ko tekoba ng'a nomoerio.**

Jeanine Sautron.